



Parlamentarna komisija odgovorna za reviziju  
Parlamentarno povjerenstvo odgovorno za reviziju

Парламентарна комисија одговорна за ревизију

Broj: 04/1-02-119/26-3  
Sarajevo, 22. 1. 2026 godine

## ČLANOVIMA PARLAMENTARNE KOMISIJE ODGOVORNE ZA REVIZIJU

Dana 19. 1. 2026. godine održana je 27. sjednica Parlamentarne komisije odgovorne za reviziju Parlamenta Federacije BiH (u daljem tekstu: Komisija). Sjednici Komisije prisustvovalo je 13 od ukupno 14 članova Komisije i samim tim ispunjeni su svi uslovi za punovažan rad u pogledu kvoruma i odlučivanja. Pored članova Komisije, na 27. sjednici Komisije prisustvovali su Mirza Kudić, generalni revizor i Nina Džidić zamjenica generalnog revizora u Uredu za reviziju institucija u Federaciji BiH.

Predsjednik Komisije je predložio **dnevni red**, koji je jednoglasno usvojen, a koji glasi:

1. Usvajanje zapisnika sa 26. sjednice Parlamentarne komisije odgovorne za reviziju,
2. Prijedlog izvještaja Parlamentarne komisije odgovorne za reviziju o revizorskim izvještajima revidiranih subjekata i korisnika budžeta Federacije Bosne i Hercegovine za 2024. godinu,
3. Plan i program rada Ureda za reviziju institucija Federacije BiH za 2026. godinu,
4. Zaključak Ureda za reviziju institucija u Federaciji BiH o obustavi finansijske revizije ustanova UNION banke d.d. Sarajevo 2025. godinu,
5. Tekuća pitanja.

Na osnovu člana 44. Poslovnika Predstavničkog doma i člana 41. Poslovnika o radu Doma naroda, a u vezi sa članom 54. Poslovnika Predstavničkog doma Parlamenta Federacije BiH i člana 52. Poslovnika o radu Doma naroda Parlamenta Federacije BiH, Komisija podnosi sljedeći:

### IZVJEŠTAJ

1. **Usvajanje zapisnika sa 26. sjednice Parlamentarne komisije odgovorne za reviziju**

Komisija je razmatrala zapisnik sa 26. sjednice Parlamentarne komisije odgovorne za reviziju i jednoglasno ga usvojila.

2. **Prijedlog izvještaja Parlamentarne komisije odgovorne za reviziju o revizorskim izvještajima revidiranih subjekata i korisnika budžeta Federacije Bosne i Hercegovine za 2024. godinu**

Predsjednik Komisije je uvodnim obraćanjem obrazložio dostavljeni prijedlog izvještaja Komisije o revizorskim izvještajima revidiranih subjekata i korisnika budžeta Federacije BiH za 2024. godinu, gdje prijedlog izvještaja u uvodnom dijelu sadrži opće podatke izvršenih ukupnih revizija za 2024/2025 godinu. Ured za reviziju institucija u Federaciji BiH u zakonskom roku, odnosno do 30.9. 2025. godine Parlamentu Federacije BiH je dostavio 69 revizorskih izvještaja o finansijskoj reviziji, zatim 54 izvještaja finansijske revizije praćenja postupanja po preporukama iz izvještaja o finansijskoj reviziji iz predhodno provedenih finansijskih revizija i 4 izvještaja revizije učinka. Komisija je razmatrala izvještaje iz nadležnosti Federacije BiH, a što je prikazano u tabelarnom pregledu dostavljenih revizorskih izvještaja sa datim revizorskim mišljenjima. U nastavku izvještaja su prijedlozi zaključaka, tačnije njih 13 o kojima je potrebno da se izjasnimo, odnosno da o istim glasamo, koji će nakon glasanja biti sastavni dio izvještaja, a koji će biti upućeni u dalju parlamentarnu proceduru.

Nakon uvodnog izlaganja, predsjednik Komisije je otvorio raspravu. Za riječ se javila Mirjana Marinković-Lepić. Obzirom da se u prijedlogu izvještaja, odnosno u prijedlozima zaključaka ne nalaze moji dostavljeni zaključci, koje sam dostavila putem maila i o kojima je potrebno da diskutujemo, kako bi se izjasnili svi o istim otvorena je rasprava u kojoj su učestvovali skoro svi članovi Komisije. Obzirom da nije postignut konsenzus o prijedlozima zaključaka, na prijedlog predsjednika Komisije o čemu su se svi članovi komisije složili, ostaviti će se još vremena do konačnog usaglašavanja svih zaključaka i na kraju konačnog usvajanja izvještaja Parlamentarne komisije odgovorne za reviziju. Rok koji se ostavlja jeste do naredne sjednice Komisije, gdje će svi članovi svoje prijedloge precizirati i dostaviti putem maila sekretarima Komisije.

### **3. Plan i program rada Ureda za reviziju institucija Federacije BiH za 2026. godinu**

Predsjednik Komisije na početku ove tačke riječ dao generalnom revizoru Kudić Mirzi, da obrazloži dostavljeni plan i program rada Ureda za reviziju institucija u Federaciji BiH za 2026. godinu. Generalni revizor zahvalio se na datoj riječi i pozdravio je sve prisutne. U svom obraćanju rekao je da se plan i program rada Ureda za reviziju za 2026. godinu zasniva na zakonskim obavezama, međunarodnim standardima i strateškim prioritetima Ureda, uz poseban fokus na jačanju povjerenja javnosti u rad Ureda. Napomenuo je da je planirano provođenje i objava 150 izvještaja finansijske revizije i 7 revizija učinka, koje su usmjerene na sektore i teme od najvećeg značaja za građane F BiH. Posebna pažnja također posvetiti će se jačanju profesionalnih kapaciteta zaposlenika Ureda. Nakon izlaganja generalnog revizora Predsjednik Komisije, otvorio je raspravu nakon čega je konstatovano da je Parlamentarna komisija odgovorna za reviziju dostavljeni plan i program rada Ureda za reviziju za 2026. godinu primila k znanju.

### **4. Zaključak Ureda za reviziju institucija u Federaciji BiH o obustavi finansijske revizije UNION banke d.d. Sarajevo za 2025. godine**

Predsjednik Komisije upoznao je članove Komisije da je Ured za reviziju institucija u Federaciji BiH dostavio Zaključak o obustavi finansijske revizije UNION banke d.d. Sarajevo za 2025. godinu. Predsjednik Komisije pozvao je predstavnike Ureda za reviziju da članovima Komisije obrazlože dostavljeni Zaključak.

Generalni revizor Ureda za reviziju institucija u Federaciji BiH istakao je da je Ured za reviziju shodno planu revizija za 2025/2026. godinu planirao i finansijsku reviziju UNION banke d.d. Sarajevo za 2025. godinu. Obzirom da je revizorski tim na početku revizije dobio Mišljenje Ustavnog suda Federacije BiH u kojem je navedeno da se revizija finansijskih izvještaja UNION banke d.d. Sarajevo vrši u skladu sa Zakonom o bankama i Zakonom o računovodstvu i reviziji u F BiH, kao posebnim zakonima za oblast bankarstva, te nakon razmatranja Mišljenja Ustavnog suda Federacije BiH, dat je prijedlog o obustavi finansijske revizije za 2025. godinu o čemu smo obavijestili Union banku, nadležne institucije i vas kao Parlamentarnu komisiju odgovornu za reviziju.

Nakon obrazlaganja Zaključka od strane generalnog revizora, Komisija konstatuje da je navedeni Zaključak primila kao informaciju.

## 5. Tekuća pitanja

Nije bilo rasprave pod ovom tačkom dnevnog reda.

**ZAMJENIK PREDSJEDNIKA  
PARLAMENTARNE KOMISIJE  
ODGOVORNE ZA REVIZIJU**

**Damir Džeba, v.r.**

**PREDSJEDNIK  
PARLAMENTARNE KOMISIJE  
ODGOVORNE ZA REVIZIJU**

**Elvir Karajbić, s.r.**